



**Breyting á aðkomu að Landspítala frá og með 4. apríl, mikilvægt að virða hámarkshraða á innkeyrslu við Læknagarð, endurgerð bílastæða við eldhúsbyggingu Landspítala, ný bílastæði við Hvannargötu, framkvæmdir við kvennadeild og Barnaspítala, framkvæmdum að ljúka við gatnamót Laufásvegar og Gömlu Hringbrautar, jarðvegsframkvæmdir við nýjan meðferðarkjarna og vinna við lagnatengingar vestan Læknagarðs.**

## Fréttir af verkefninu og staða framkvæmda

### Breyting á aðkomu að Landspítala við Hringbraut

Breyting hefur orðið á aðkomu Landspítala við Hringbraut þegar ekki er lengur hægt að aka í gegnum Gömlu Hringbraut að deildum Landspítala.

Við biðjumst velvirðingar á þeim óþægindum sem þetta kann að valda.

Greinargóðar útskýringar á þessum breytingum á umferð er að finna á eftirfarandi myndbandi

<https://www.youtube.com/watch?v=G7a1x1NI1Vk>

## Hámarkshraði 15 km/klst við innkeyrslu að Læknagarði



Athygli er vakin á takmörkun umferðarhraða við 15 km/klst við innkeyrsluna að Læknagarði. Ökumenn eru beðnir um að gæta ítrustu varkární vegna gangandi vegfarenda og virða þessa hraðatakmörkun.

Einnig er akandi vegfarendum sem eiga erindi í Læknagarð sérstaklega bent á mikinn fjölda bílastæða neðan Læknagarðs (ekið í gegnum gamla bílastæðið og niður fyrir húsið).

## Vinna við endurgerð bílastæða við eldhúsbyggingu og rannsóknastofur við Eiríksgötu. Sjá nr. 1 á korti



Verið er að útbúa ný bílastæði fyrir sjúklinga. Stæðið verður með snjóbræðslukerfi og malbikað. Áætluð opnun er í kringum 20. apríl. Einnig er fyrirhugað að á þessu bílastæði verði reist myndarlegt, aðgangsstýrt reiðhjólaskýli.

## Ný bílastæði við Hvannargötu tekin í notkun. Sjá nr. 2 á korti



Búið að opna ný bílastæði við Hvannargötu með fjölda stæða. Svæðið er bæði malbikað og malarstæði. Athygli er vakin á því að akstur að og frá svæðinu er um bílastæðið við Læknagarð.



## Jarðvinna og uppsteypun á lagnagangi meðfram kvennadeild. Sjá nr. 3 á korti



Unnið er að jarðvinnu og uppsteypun á langagangi frá meðferðarkjarna að sjúkrahótelri. Gangurinn liggur meðfram austurhlíð kvennadeilda. Þessi framkvæmd raskar mjög svæðinu milli kvennadeilda og kringlu og vegna þessarar framkvæmdar er einstefna á akstri frá bílastæðum neðan gamla spítala upp að kringlu og kvennadeild. Það er ekki hægt að aka niður frá kringlu að bílastæðum neðan gamla spítala á meðan á þessum framkvæmdum stendur. Áætlað er að framkvæmdum á þessu svæði ljúki um miðjan júní.

## Framkvæmdir við Barnaspítala og uppsteypa tengigangs. Sjá nr. 4 á korti



Uppsteypun tengigangs milli Barnaspítala og meðferðarkjarna er lokið. Vinna við uppfyllingu jarðefna og yfirborðsfrágang í kringum Barnaspítala er hafin. Í næstu viku mun inngangur fyrir Barnaspítala færast aftur á sinn stað og þá lokar inngangurinn við suðurenda kvennadeilda tímabundið á meðan framkvæmdir þar fyrir framan standa yfir.

Í næstu viku verður einnig opnuð akstursaðkoma fyrir sjúklinga að Barnaspítalanum frá Laufásvegi. Útbúin verða bráðabirgðastæði nálægt inngangi Barnaspítalans og aðkeyrslan að þessum stæðum verður úr vestri, frá Laufásvegi (sjá skýringarmynd).

**Athygli er vakin á því að þessi stæði eru eingöngu hugsuð sem skammtíma- og sleppistæði fyrir foreldra og aðstandendur sem eiga erindi á Barnaspítalann. Þetta eru ekki stæði ætluð starfsmönnum.**

---

## Framkvæmdum að ljúka við gatnamót Laufásvegar og Gömlu Hringbrautar. Sjá nr. 5 á korti



Framkvæmdum er að ljúka á yfirborðsfrágangi á gatnamótum Laufásvegar og Gömlu Hringbrautar og akstur Strætó er hafinn. Allar upplýsingar á akstri strætisvagna er að finna á vefslóðinni [www.straeto.is](http://www.straeto.is)

Athygli er vakin á því að til að tryggja aðgengi strætó um Barónsstíg hefur verið lagt bann við bifreiðastöðum við austurkant Barónsstígs milli Eiríksgötu og Laufásvegar. Starfsmönnum LSH er bent á að leggja ekki á þessu svæði því það hindrar fyrir strætisvagna um Barónsstíg.

---

## Jarðvegsframkvæmdir við nýjan meðferðarkjarna. Sjá nr. 6 á korti



Vinna er í fullum gangi fyrir neðan Gömlu Hringbraut og búið að girða af svæðið. Unnið er að sprengingum og keyra í burtu efni. Svæðið er vaktað sem veitir öryggi fyrir vegfarendur.

---


## Unnið að lagnatengingum vestan við Læknagarð. Sjá nr. 7 á korti



Vinna stendur yfir við tengingu á lögnum.

## Skýringarmynd

Á kortinu eru sýndar gönguleiðir, götulokanir og framkvæmdasvæði.



### Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH,  
866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644  
[stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)